

吳醫彙講

上

宜堂研究

余薄宦江蘇以來凡署中春  
屬等有疾即延望山唐君診  
治無不應手而愈今將三十載  
不第識其醫理之精深且重  
其為人之謹愼也茲手輯吳醫  
彙講一編請序於余、披閱其書


乃廣搜博採抉擇精詳以補前  
人所未發以啓後人所未悟譬  
之一音三奏爲下疾徐同聲相  
應至特磬一擊而金石絲竹秩  
然不紊是真可謂醫門之鼓吹  
矣夫以文會友聖人所訓又

善論古孟子言之儒者如斯  
醫亦宜然軒岐作者之聖也猶  
聚君臣於一堂而相為辯難儒  
者之業是術者可凡有奇共  
賞為疑興析乎今望山為醫  
林秉鐸領袖群英彙訂成

集俾斯道之精微研窮益  
廣歐陽文忠有曰物常聚  
於所好信不誣也吾知風  
鼓舞當必有遠方之士與  
感而來者正未有父也豈  
止吳醫而已哉



乾隆癸丑仲春桂林蔣樸書  
於鴻城官舍



司馬溫公曰達則為良相不達則  
為良醫蓋以殫其利濟之心窮  
通一也夫坐而言然後能起而  
行士當十年待字讀聖賢書必  
遍天下事於經天緯地之業必  
諳明而切究之夫乃可寄以大

任而不疑醫之為道也始舉夫  
天地人之理五運六氣之驗經  
絡府俞之次八脉九候十二經  
之分莫不備之素而論之詳夫  
乃可托以死生而不惑是故大易  
著彖習之文傳記有彖德之福



講之義大矣。緬夫軒皇，講自邃古而造化之秘洩。步沙講於炎劉，而湯液之用廣。先聖後聖，其合符節，他如活人，講辛熱祇和，講溫中，河間講涼解，東垣講升降，丹溪講兩腎子，和講三

法隱菴令韶之派誨六氣中行  
無已之傳誨三綱講溫補者景  
岳講秋燥在嘉言吳又可誨疫  
汪苓友講心此數子在傍牆壁  
獨抒心得其餘百家之說或伐  
異而黨同或並收而博採要其

所攷、斲、者、無非講此玉版靈  
蘭之奧以期之壽世而涵時謨  
曰學書費紙學醫費人操司  
命之責何如其鄭重耶夫依  
古以來盜竄竊走捷徑未始非  
名士也驚黨撈工口給未始非名

醫也然而有實學斯以實用  
吾吳文獻之邦明理之彞林  
立唐君笠山於著述之餘患  
羅而致之擇其言之雅馴在裒  
然成集顏曰吳醫彙編而授之  
梓斯詎千金之裘非一狐之腋

其樹之橐此一木之枝其愛博  
而貞懷、於學之誨真無愧古  
人之用心矣推是心也與夫士之  
通經致用為蒼生福者又何以  
異哉故樂綴數言以弁其首

乾隆五十有七年歲次壬子桂月



吳趨繆遵義識

時年八十有三



自序

粵稽炎暉紀物首垂本草之經雲瑞名官肇  
啟靈蘭之笈宗傳歷代各立家言派衍迄今  
尤工蒐錄篁南江氏有類案之編東逸羅君  
有彙粹之選惟淵源之有自斯繼述之多人  
矧吾吳文獻之邦迺良醫薈萃之域韓門昆  
季擅盧扁之稱葛氏喬梓紹張劉之學新甫  
啟東廿子前朝之著述已繁生洲路玉諸公

聖代之闡揚亦夥應機草識元儀臨證之慎重讀

書記知在涇學業之深沉凡此各自成書出自諸家見地康熙時有過君繹之者裒集衆賢治案合鏤為書名曰吳中醫案此又片善悉錄一藝必庸旁搜博採而成者也夫廣羅成効固以誌鄉先輩之典型而各抒論言亦以徵諸君子之詣力況乎精是業者高才不少明其理者卓識自多匿采韜光非乏枕中

之秘靈機妙緒詎鮮囊底之珍凡屬蘊藏可  
勝惋惜僕謹倣吳中醫案之舊帙更輯吳醫  
彙講之新編奧義顯詞統為求教長篇短節  
並曰無拘苟步武之克追期當仁之不讓乃  
荷同志弗靳輝光共表深思互相賞析或疏  
往訓既發覆而摘微或出心裁尤領新而標  
異詮玉版之秘要欣符麗澤之占索金匱之  
真言胥協盍簪之慶勿謂禁方三十獨推思